

增補卷四

卷七

尙友錄卷四

陳

潁川徵音周武王封舜後胡公滿於陳以邑爲氏

陳良

周楚產也悅周公仲尼之道北學于中國北方之學者未能或之先也

陳仲子

周齊人其兄戴爲齊卿食祿萬鍾仲子以爲不義携妻子適楚居於陵自謂於陵仲子窮不苟求乏糧三日乃匍匐而食井上李實之蟲者三咽而能視聽身自織履妻辟繡以易衣食楚王

聞其賢欲以爲相遣使持金百鎰聘之仲子入謂妻曰楚王欲以爲相今日爲相明日結駟連騎食方丈于前意可乎妻曰夫子左琴右書樂在其中矣結駟連騎所安不過容膝食方丈于前所甘不過一肉今以容膝之安一肉之味而懷楚國之憂亂世多害恐先生不保命也于是出謝使者遂相與逃去爲人灌園

陳倉

周秦穆公時掘地得一物似猪羊形倉以獻公道逢二童子曰此媼也在地食人腦欲殺之先用栢木捶首媼曰此童子曰陳寶得雌則王得雄則霸倉舍媼逐童子童子化爲雉入林中言

於公公大獵得其雉化爲石置汧渭之間作陳寶祠

陳勝

周字涉陽城人嘗與人傭耕息於壠上曰苟富貴無相忘傭者曰若爲耕傭何富貴也勝歎曰燕雀安知鴻鵠之志哉遂舉兵稱扶蘇項燕自立爲將軍後爲其御所害

陳嬰

秦本東陽令使居縣中素信謹東陽少年殺其令欲立嬰爲王嬰母謂曰自我爲汝家婦未聞汝先有貴者今暴得大名不祥不如有所屬嬰乃止後相楚懷王

陳平

漢字孺子陽武人少家貧好讀書美如冠玉有田三十畝兄伯常耕與平游學後佐高祖定天下凡六出奇計未遇時里中社平爲宰肉父老曰善陳孺子之爲宰曰使平得宰天下亦如此

肉及長無與婚者里有富人張負女孫五嫁夫輒死負至平家以席爲門門外多長者車轍負謂子仲曰豈有美如陳平而長貧者乎遂以女孫嫁之偕老官至右丞相曲逆侯

陳咸

漢字子康萬年子爲郎有異才抗直數言事元帝時擢御史中丞累官冀州刺史後爲尙書王莽專政誅何武鮑宣咸喟然歎曰吾可以逝矣卽乞骸骨去父子相與歸鄉里閉門不出入猶

用漢家祖臘或問之答曰我先祖豈知王氏臘乎戒子孫曰爲人議法當依於輕雖有百金之利慎勿與人重

陳寵

漢字昭公咸曾孫父詔事光武爲廷尉寵明習家業肅宗時爲尙書是時承永平故事政尙嚴切寵上疏請濟之以寬是後風俗和平屢有嘉瑞歷守三郡所在有績官至司空寵雖傳法律

而兼通經書奏議溫粹號爲稱職

陳綱

漢字仲卿少與同郡張宗同受學南陽及綱以母喪歸宗爲安衆劉元所殺綱免喪復往南陽值元醉臥遂殺之自拘有司會赦得免

陳琳

漢字孔璋廣陵人初爲何進主簿後歸曹操操愛其才軍國書檄多出琳手操先苦頭風是日疾發臥讀琳所作竊然起曰此愈我病數加厚賜官至門下督機建安七子之一也

陳容

漢射陽人隨臧洪爲東都丞洪被執於袁紹將死容曰將軍舉大事而先殺忠義可乎紹慙使人牽出容顧曰仁義豈有恒所蹈之則君子背之則小人今日寧與臧洪同死不與將軍同生

遂見殺

陳登

漢字元龍下邳人許汜嘗與劉玄德共論人物汜曰元龍湖海之士豪氣未除劉問故汜曰昔過下邳見元龍無主客禮自上大牀臥使客臥下牀劉曰君有國士名而不留心救世乃求田

問舍言無可采是元龍所諱也如我自當臥百尺樓上臥君于地下何但于上下牀間哉

陳湯

漢字子公山陽瑕丘人仕爲郎使外國燔制發兵斬郅支單于後賜爵關內侯西域都護段會宗爲烏孫所圍朝用湯議解其圍雄向曰懸旌萬里之外揚威崑山之西自漢以來征伐方

外之將未之有也

陳俊

漢南陽西鄂人少爲郡吏從光武擊銅馬王校短兵所向必破斬其渠帥光武嘆曰恨將盡如是吾何憂哉以功封祝阿侯

陳靖

漢餘干人幼慷慨有大志王莽篡漢靖忿恨聞王常起曲阿率義兵赴常署爲中牙典軍校尉甚得江湖間心光武時拜散騎常侍以母老乞歸封餘干侯

陳遵

漢字孟公杜陵人哀帝末以功封奮威侯性好客每會飲取客車轄投井中雖有急不得去善書凡與人尺牘衆皆珍藏之初爲京兆史列侯有與同姓字者每至入門坐中莫不震動既至

而非因號曰陳驚座

陳重

漢字景公宜春人少與鄭陽雷義最密舉孝廉爲郎有同署郎貢息錢數十萬債主日至重密爲代還終不言惠與義俱拜尚書郎義黜重亦以病免復舉茂才爲細陽令政有異化遷會稽

太守

陳臨

漢字子然香山人爲蒼梧太守推誠而理嘗有殺人者爲吏所獲臨知其無嗣令其妻侍獄中後產一男郡人歌曰蒼梧府君惠及死能令死人不絕嗣

陳安世

漢京兆人稟性慈仁家貧爲樸叔本家傭賃叔本好道有二仙人託爲書生從叔本遊叔本意怠二仙曰幾成而敗矣見安世篤實曰汝好仙乎曰好二人與約明日早會大樹下三期皆早

至乃以藥二丸與之服不復食但飲水叔本知其得仙反師事之後安世白日昇天

陳稚升

漢蒼梧太守政事多暇嘗臨水釣魚民醇訟簡與之相安

陳寔

漢字仲弓桓帝時爲太丘長在鄉里平心率物其有爭訟輒求判正衆歎曰寧爲刑罰所加不爲陳君所短嘗夜讀書有盜止梁上寔呼子弟謂曰不善之人未必本惡習與性成遂至于此

梁上君子是已盜驚投地稽首歸罪寔曰當由貧困所致遺絹二匹遣之嘗詣荀淑使長子元方將車季方執杖孝先長文尙幼坐車中既至荀使叔慈應門慈明行酒餘六龍下食文若尙幼坐膝前是

夜德星聚明日太史奏五百里內有賢人聚卒說文範先生客有問陳季方足下家君太丘有何功德而荷天下重名季方曰吾家君譬如桂樹生泰山之阿上有萬仞之高下有不可測之深上為甘露所霑下為淵泉所潤當斯之時桂樹焉知泰山之高淵泉之深不知有功德與無也中常侍張讓母死名士無至者讓深耻之寔獨往弔後黨人之禍寔自獲免善類得其保全者頗多長子紀字元方次子諶字季方與父寔並著高名時號三君元方子長文季方子孝先各論父功德咨於祖太丘太丘曰元方難為兄季方難為弟太丘與友期行期日中過中不至太丘舍去去後乃至元方時年七歲門外戲客問元方尊君在不答曰待君久不至已去友人怒曰非人哉與人期相委而去元方曰君與家君期日中日中不至則是無信對子罵父則是無禮友人慚下車引之元方入門不顧

陳

蕃

漢字仲舉汝南平輿人年十五獨處一室庭宇荒蕪父友薛勤候之謂曰孺子何不灑掃以待賓客蕃曰大丈夫當掃除天下安事一室勤甚奇之為樂安太守時郡人周廖高潔士也蕃字之而不名既還守豫章不接賓客惟徐穉來特設一榻去則懸之後拜太傅與大將軍袁武謀誅宦官反為所害蕃既被害郭林宗哭之于野慟既而歎曰人之云亡邦國殄瘁瞻烏爰止不知于誰之屋

陳

農

漢成帝河平三年以中祕書散亡使謁者陳農求遺書於天下詔光祿大夫劉向校之

陳

矯

三國東陽人魏明帝時為尚書令帝嘗至尚書門矯跪請曰陛下欲何之帝曰欲按行文書耳矯曰此臣職非陛下所宜臨也帝乃命回車其直亮如此

陳

泰

三國字立伯高貴鄉公時為尚書右僕射大將軍司馬師殺帝太傅司馬孚并泰枕帝尸於股號哭盡哀大將軍入禁中泰見之悲慟大將軍亦相對泣謂曰立伯其如我何泰曰獨有斬實

充少可以謝天下大將軍久之曰卿更思其他泰曰豈可使泰復發後言遂嘔血薨

陳

壽

晉字季祚巴安漢人少好學師事同郡譙周張華愛其才舉孝廉除著作郎撰三國志六十五篇時人稱其善敘事有良史之才又著舊傳十餘篇行于世

陳

達

晉宣六世孫永嘉中為長城令有惠政嘗謂所親曰此地山水秀麗當有王者興二百年後我子孫必鍾斯運遂家焉後十世孫簡先受梁陳為帝

陳遺

晉吳郡人性至孝母好食蠶底焦飯遺作郎主簿恒裝一甕每煮食輒貯焦飯歸以遺母後值孫恩作亂吳郡盡府其松郭目便進征遺已聚得數斗焦飯未及歸家遂帶以從軍戰於淝

淝而敗軍人潰散逃走山澤皆多餓死遺獨以焦飯得活人以爲純孝之報也母晝夜號泣自爲失明耳無所聞遺還入戶再拜號咽母豁然即明後又爲河南孝廉

陳方期

晉字長年以孝行稱太康中辟爲功曹不就親喪號泣幾滅性一日假寐若有人曰無益存亡領擇出處既寤終身不仕

陳慶之

南北義興國山人幼從梁武帝甚見親賞爲武威將軍後除假節總知軍事與魏兵相持各數百戰魏人倚角作十三城慶之陷其四疊復鼓噪攻其九城斬獲殆盡二子昕暄俱有名長

子昕字君章七歲能騎射十二隨父入洛還都詣鴻臚卿朱异异訪北間事昕聚土畫城指揮分別异甚奇之慶之在懸瓠魏營將燒雄于寶樂恃其驍勇求單騎校戰昕躍趣寶樂雄即潰散太清二年侯

景圖歷陽昕爲重將軍騎水及下濟爲景所擒使其箠同范桃棒嚴禁之昕因說桃棒歸降許之遂立盟射城中景邀得之遁昕更射昕不從遂遇害次子暄學不師受文才俊逸尤嗜酒其兄子秀嘗憂

之暄與秀書曰吾既寂寞當世朽病殘年若不日飲醇酒復欲安歸汝以飲酒爲非吾以不飲酒爲過吾平生所願身沒之後願其墓云陳敬酒徒陳君之神道若斯志意豈避南征之不復賈誼之痛哭哉

速營糟丘吾將老焉太康中徐陵爲吏部尚書暄直上陵坐陵不之識命吏持下暄徐步而出舉止自若後主在東宮引爲學士及卽位遷通直散騎常侍後主甚親暄而輕侮之嘗倒懸于梁臨之以卞命

使作賦仍限以晷刻暄拔筆卽成後傲弄轉甚後主不能容暄發悸而死

陳奇

南北河北人少孤奉母至孝博通諸經於易尤達常非鄭玄馬融解經失旨因作注釋與河間邢昺同赴召補祕書太尉高允曰奇通識遠致非凡學所及其爲名流見知如此

陳茂

隋實直蒸謹文帝引爲僚佐待遇甚厚嘗從帝與齊師戰於晉州賊甚盛帝將抗戰茂固止不得因促馬控帝怒拔刀斫其額流血被面辭氣不撓帝感而謝之

陳元敬

唐梓州射洪人弱冠豪俠歲饑嘗散粟萬斛以賑鄉里後以明經擢第拜文林郎武后居攝遂山棲茹木而終子昂字伯玉文明初舉進士上書言事武后奇其才擢麟臺正言累遷右

衛黎軍唐之文章子昂始變雅正王適稱爲海內儒宗子昂初入京未遇有賣胡琴者價百萬豪貴傳示無辨者子昂戲于絳市之衆驚問曰余善此樂明日可集宣陽里衆如期飲畢笑曰蜀人子昂有交百軸碌碌塵土不爲人知此樂賊工耳豈足留心琴琴絳之以文軸編贈會者一日名震京師

陳叔達

唐字子聰武德初判納言嘗賜葡萄不舉帝問之對曰臣母病渴求不能致願奉之

陳巖

唐字夢臣建寧縣人慷慨有智略乾符間黃巢轉掠福建諸州巖聚衆數千號九龍軍保鄉里巢不能爲害時邑爲黃連鎮巖表爲寧義軍置鼓角賜牌印巖剪餘寇撫安鄉井境內賴之中

和四年福建觀察使鄭鑑表巖自代巖爲治有威惠吏民懷服

陳道明

唐時州人日織草履以養親又於開元寺潛作屨施行路者人號陳蒲鞋黃巢兵犯境一郡洵洵明戒勿憂織大草履命標之三十里外巢軍竭力不能舉巢曰有大聖人在此乃捨城去

民免兵難壽九十八端坐而逝宋賜號悟空禪師

陳詡

唐字載物貞觀中及第三府交辟德宗覽奏異之詔以文章名於時官終戶部員外郎知制誥有詩集十卷子納字廣裕亦及第

陳利貞

唐幽州范陽人初爲平盧將從李光弼征安祿山累遷太子賓客封靜戎郡王李希烈叛利貞出奇兵橫擄賊鋒朱泚反麾下欲從亂畏其勇乃止德宗嘉之擢汝州防禦使

陳京

唐桐廬人有制行親喪廬墓制史蕭定上言詔表其門時人目所居鄉曰至德里曰如曾

陳饒奴

唐饒州人年十二父母併亡家貧居喪又歲饑或勸其分弟妹可全性命饒奴流涕丐訴不忍離散衆爲感動刺史李復給資儲署其門曰孝友童子

陳岳

唐玉筍人累官南昌觀察判官著唐書自高祖至穆宗爲統紀一百卷子澄任楊吳爲翰林學士歷吳越二十卷

陳 貺

五代閩人志操古朴不苟仕進居廬山三十年學者多師事焉南唐主以幣致之貺布裘鹿鞬進止閒雅因獄景陽臺懷古詩南唐主稱善欲授官固辭賜粟帛遣還

陳 陶

五代劍浦人結廬西山吟咏自適殊有佳語如中原不是無鸞鳳自是皇家結網疎之可人所稱道陶操行高潔郡守嚴譔欲試之遣小妾蓮花往視陶竟夕不納妾獻詩曰蓮花爲泥玉爲

恩珍重尙書遣妾來處士不生巫峽夢空勞雲雨下陽臺陶答云近來詩思清於水老去風情漸似雲已向昇天得門戶錦衾深愧卓文君

陳 搏

五代字圖南真源人隱居華山寢處百餘日不起嘗乘白驢欲入汴中塗聞太祖登極大笑墜驢曰天下自此定矣太宗召以羽服見于延英殿宋琪問脩養之道搏曰假令白日昇天何益

于世今君臣同德興化勤行脩煉無出于此帝益重之賜號希夷先生又自號扶搖子方四歲戲過水側有青衣過抱置懷中乳之聰悟日益入武當山辟穀鍊氣二十餘年徙居華山雲臺觀周世宗召至禁中賜號白雲先生宋太宗再召辭曰九重仙詔休教丹鳳銜來一片野心已被白雲畱住端拱初命弟子張超鑿石爲室化形蓮花峰下搏嘗曰優游之地勿久戀得志之地勿再往聞者以爲至言

陳 恕

宋字仲言南昌人少爲縣吏折節讀書第進士通判澧州以吏幹聞召爲三司判官累遷鹽鐵使太宗深器之官至尙書左丞封晉公恕爲戶部郎時眞宗命條具中外錢穀以聞恕曰陛

下富于春秋若知府庫充實恐生侈心臣不敢進嘗知貢舉首薦王曾歎曰名世才也時號知人

陳省華

宋閬中人智辯有吏幹初仕孟景爲西水尉蜀平歸宋累官光祿卿拜諫議大夫卒贈太子少師封秦公三子堯叟堯佐堯咨每賓客至三子衣金紫侍立客求去秦公曰此兒子輩天下以

秦公教子爲法陳氏世家爲榮長子堯叟字唐夫端拱初登進士第一累官同平章事後以右僕射知河陽卒諡文忠堯叟偉姿貌奏對明辯久典機密軍馬之籍悉能周記所著有請盟錄三集次子

堯佐字希元進士及第官至叅知政事同平章事以太子太師致仕卒諡文惠爲人寬厚儉約好學不輟善古隸尤工詩自號知餘子所著有文集三十餘卷季子堯咨字嘉謨精於弧矢自號小由基咸

平中進士第一爲知制誥出守荆南其母馮氏問曰汝典名藩有何異政咨曰州當孔道客以堯咨善射無不歎服母曰汝父教汝以忠孝輔國家今不務異政善化而專卒伍一夫之技豈汝先人之意耶

以杖擊之金魚墜地卒諡康肅子
述古篤學能文官至館閣校勘

陳漸

宋堯叟從子少以文學知名太宗時嘗與父堯封同廷試漸中第辭不就願擢其父許之後累官耀州節度推官有文集十五卷自號金龜子

陳侃

宋字君和永嘉人居建牙鄉事親至孝親有疾省侍嘗藥夜不解衣執喪盡禮五世同居家無異爨至道二年郡守何蒙上其事太宗嘉之詔旌表其門閭曰孝門陳君賜其母李氏束帛杭

米祥符七年侃卒今建牙鄉猶稱其門曰陳孝門

陳綱

宋字舉正泉州同安人淳化中第進士為建州觀察推官故事歲春夏間率丁夫數萬為採茶之役綱以為奪民時勞民力奏請以北苑園供御之外餘皆賦民收其租入在民者官復定其

直償之詔如所請建民德之

陳謙

宋字益之永嘉人累官寶謨閣待制著兩漢精義及春秋解等書

陳彭年

宋南城人博聞強記年十三著皇綱論萬餘言真宗時上表獻箴詳練儀制真宗器重之一日賜坐便殿對甚從容上因問墨知墨充是何人彭年曰伯夷叔齊也上問見何書曰春秋少陽

即令祕閣取此書既至令于第幾版尋檢果得之上甚喜累官兵部侍郎未幾擢為執政諡文僖

陳競

宋德安人十八世同居太宗旌表其門世號義門陳氏弟旭拜江州助教

陳烈

宋福州人為入介僻孝友居親喪勺飲不入學行端飭動遵古禮從學者常數百仁宗朝歐陽脩薦之召為國子監侍講辭不至

陳芳

宋河陽人一門十四世同居三百年孝義為時所重芳為大理寺丞召至其門

陳洙

宋字思道建陽人登進士第歷殿中侍御史嘉祐中上疏助司馬光乞早建儲嗣且曰陛下以臣懷異日之圖莫若殺臣之身用臣之言疏方上即飲藥以卒奏下大計遂定仁宗聞洙死賜

錢百萬元祐初用光之言官其一子

陳知柔

宋字體仁溫陵人自號休齋居士在天台乘安輿徧遊名山歸至會稽愛巖壑之秀畱止二年寵賀州歸畱惠易三年暇日泛湖登白鶴峰追和東坡詩陶寫羅浮風物殆盡凡四奉祠諸生

受業戶屢嘗滿姪模楷皆登第

陳之奇

宋字虞卿吳人其母丁謂妹謂欲授以官之奇不赴後官中允即乞歸每出行小兒必斂容曰此陳君子也四方賢士至吳則相造請與胡瑗蘇舜欽爲友時號吳下三賢

陳從易

宋字簡夫晉江人天聖三年知廣州罷任還不著南物仁宗聞之擢知制誥御書清字以賜之元豐中從易外孫蘇頌知滄州陸辭語及親戚畱京師未能偕行上問卿母誰氏對曰故龍圖

直學士陳從易之女因及前事神宗曰其清節過於馬援矣

陳道周

宋潭州人少孤貧奉母至孝母歿廬墓自陶磚口成五枚歷四年登墓高三丈墓成而道周繼亡附葬母傍鄉人立碑表之

陳希亮

宋字公弼青神人幼孤好學其兄使治息錢希亮悉召道家焚其券天聖中舉進士歷知數府州累官太常少卿以才幹剛直名長子忱度支郎中次子恪滑州推官三子恂大理寺丞季子

健字季常寓居黃岡號方山子又號龍丘子有隱名以溪山自娛初與東坡同學於道士張易簡後東坡謫居黃州與之往來倡和爲作方山子傳

陳汝錫

宋字師子青田人幼穎悟數歲能屬文或以其詩一聯示黃庭堅曰閒愁莫浪遣畱爲痛飲資黃擊節稱賞曰我輩人也紹聖四年由太學登進士第邑之登第自汝錫始崇寧間諸路學事

始置提舉首除提舉福建學事官至浙東安鎮使有鶴溪集判于郡齋子棟以父任終通判潭州著蒙隱集邦于宜春

陳

洙

知柔

之奇

五

陳如晦

宋字日昭長樂人幼嗜學貫穿經史從勉齋黃榦遊嘗讀西山真德秀夜氣箴作曰須見得冬為四時之晝夜乃一日之冬便是自家鄉晦入息處又見得造化發育之妙便是自家事物周旋處於此敬慎夾持動靜交養則兩得之矣遂次其韻為生意箴後西山得其箴亟稱賞焉一時耆德鉅公樂與晦為道義交

陳起宗

宋字興祖少入上庠連冠多士一日歸省囑同舍生投試卷起宗治書同舍嫉之輒易以周禮試復第一年三十七以微猷閣學士知井州卒起宗工詩瀟灑有陶謝風

陳世脩

宋恭公執中之姪恭公生日親屬多獻老人星圖世脩獨獻范蠡遊五湖圖且贊曰賢哉陶朱霸越平吳名隨身後扁舟五湖公即日納節

陳易

宋字體常少好學該綜經史工詩熙寧初遊京師會太學秋試諸生競求舉易以為非吾所以學即棄去乃從佛氏之徒論出世法有所契就邑蔡溪之左結廬而處遠輩絕慾日惟一飯遇風雨溪漲則併一孟飯間經句不食易亦自若如是者五十年不變嘗曰性命之理儻與釋一也願為教不同耳崇寧初舉遺逸又舉八行郡守郭重致禮聘易謝牋曰早粗脩於八行晚但了於一心心既本無行亦何有重不敢強易嘗傳易學於仙遊張弼自謂有得又旁涉五行醫卜地理之術善筆札作文必精警平生無忤視妄言教人必本於孝弟其接朋友或終日不交一談或語莊老釋氏塵塵不倦蓋隨其興意所至人莫得而測也宣和八年卒

陳經

宋字正甫安福人慶元中進士官終奉議郎泉州泊幹經嗜書成癖啓益後學為多有書解五十卷及詩講義存齋語錄行世

陳敏

宋無錫人舉進士知台州朝命立元祐黨籍碑敏不肯立監司促之急敏曰誣司馬相公為奸臣是無天也倅立之敏碎其石或告敏敏曰我死且不辭何彈劾之畏遂掛冠去後以八行薦

不起

陳師道

宋字無已彭城人少刻苦問學高介有節諸經皆有訓傳於詩禮尤達苦吟每枕上覓句或累日不起其為文師言輩為詩宗黃庭堅平素推重自出於一

詞色不致出元祐中蘇軾輩其文行除本州教授累遷秘書省正字從徽宗郊時天寒趨擬之與一裝無已繼其貪汚部之而凍死

陳與義

宋字去非洛陽人天資卓偉政和間上舍甲科累官太學博士徽宗見所賦墨梅詩有見晚之歎紹興中拜翰林學士遷兼知政事其出處氣節文章翰墨卓然可稱所著有簡齋集行于世

陳朝老

宋字廷臣政和人元符末爲太學生論事劄切臺諫受蔡京風旨以狂妄目之大觀三年以何執中爲左僕射朝老上書曰陛下卽位以來凡五命州有若韓忠彥之庸懦曾布之賊汚趙挺

之之憲愚蔡京之跋扈今復相執中執中碌碌常質初無過人天下敗壞至此如人一身臟腑受疹已深豈庸醫所能起乎執中黃緣攀附致位二府固已大幸遽傳之經體贊元是猶以蚊負山多見其不勝任也宣和末與陳東等上書論蔡京等編置道州建炎改元遇宥歸耕石門紹興間三詔徵之堅辭不赴學者稱曰陳三詔

陳禾

宋字季實鄆縣人元符中進士累官殿中侍御史遷左正言立朝有風操嘗奏對論童貫不已徽宗欲起禾引帝衣願畢其說衣裾落帝曰正言碎朕衣矣禾曰陛下不惜碎衣臣豈惜碎首

以報陛下帝色變曰卿能如此朕復何憂卒諡文介

陳公輔

宋字國佐臨海人政和三年上舍及第調平江教授累官至禮部侍郎端方之操始終不渝爲諫官論書劄切疾惡如仇晚居田里著書自樂有文集二十卷奏議十二卷子夷行登進士治

行高

陳東

宋字少陽丹陽人傲儒負氣宣和末在太學上書論蔡京童貫王黼等彥梁師成朱勔六人且曰此六賊者異名而同罪伏願陛下擒之肆諸市朝傳首四方以謝天下欽宗嘉納之至高宗

南渡復力陳請相李綱罷黃潛善汪伯彥二人誣以訕上殺之東初未識李綱特以國家故爲之死識與不識皆爲流涕及汪黃貶逐高宗悔悟追贈秘閣脩撰官其親屬一人卹其家

陳襄

宋字述古侯官人初爲浦城簿民有失物者捕偷兒數輩問鞠襄曰某廟鐘能辨盜犯者捫之輒有聲乃引偷兒詣鐘所陰使人以墨塗鐘以帷藉之令偷兒一暗摸出檢其手皆有墨惟

一人無墨訊之乃服遂按之累遷判尚書都省論青苗法不便乞貶王安石呂惠卿請罷韓絳政府以杜大臣爭利而進者風節凜然嘗使契丹不屈學者輒爲古靈先生

陳叔易

宋初與晁以道俱隱嵩山叔易赴召晁以詩送之云處士何人爲作牙盡攜猿鶴到京華故人巖壑應惆悵六六峰前只一家以道宣和間領郡人復以此嘲之

陳剛中

宋字彥深侯官人性慷慨政論事胡銓以劾秦檜貶昭州剛中啓曰知無不言願借尙方之劍不過故去聊乘下澤之車檜怒遂與張九成同謫客死貧不能葬士論惜之

陳至道

宋字元和號野雲崇高節至孝養親不仕親歿終身初度閉門杜客必躬酌松楸戀戀盡日不能返以詩鳴後隱香嶺得道上昇爲冲和大仙人號詩仙

陳可大

宋字齊賢仙遊人父汝器喜積善一夕飛錢滿其室視曰願一子光顯門閥乞錢減半可大政和中登科調漳州工曹兼右推後知肇慶府民不能欺去郡之日唯衣衾書藉而已官終朝請

大

陳康伯

宋字長卿戈陽人以直節忤秦檜家居十餘年檜死拜尙書左右僕射性沉靜明敏語不妄發嘗謂大臣當盡公若倭阿植黨鄙夫所爲每勸高宗蚤爲兵備因奏曰金狄敗盟天人共憤

今日之事有進無退聖意堅決則將士之勇自倍帝嘗謂輔臣曰康伯有器量其從容不迫可比晉謝安卒封信國公

陳瓘

宋字彥中沙縣人登進士徽宗朝爲右正言以論蔡京蔡卞連謫通台楚州瓘平生論京卞皆披瀝其處心發露其情惡故爲京所忌恨而得禍最酷嘗論曾布專權貶居合浦杜門謝客摘

子史中有關係者卽錄粘于壁久之合爲一卷名曰壁記或問游酢以當今可以濟世之人酢曰四海人才不能周知以所識知陳了翁其人也楚州病發劉安世使人勉以醫藥自輔曰天下將有賴于公當力加保養以待時用卒于楚州追贈諫議大夫謚忠肅自號了翁所著有兩漢議論八十卷尊幾集十二卷子正彙在杭訟蔡京有動搖東宮之迹杭守蔡巖執正彙送京師蔡京黨李孝壽坐以

所告失實

陳淵

宋字分默瑞兄孫自少穎悟於書無所不讀師楊時時稱其深識聖賢旨且妻以子高宗朝爲監察御史遷右正言其行已立朝忠言謫論爲時所重

陳祥道

宋清縣人元祐中爲太常博士終祕書省正字著禮書一百五十卷弟陽應紹聖制科累官至禮部侍郎著樂書二十卷

陳德豫

宋字子順連江人少好學博通六藝諸子百家之旨淳熙中登進士甲科調建州戶曹試教官首選分教宣城郡學舊有二程遺文時禁程氏學令焚毀之德豫護藏唯謹改京教累遷諸軍

糧料院歲早求言德豫上封事以諱天變諱人言爲致旱之由乞去二諱以回天變上嘉納之又累遷著作郎會胡僧入覲錫予甚豐乃歷陳梁武之失異端邪說不足信即日有旨出胡僧於國門之外官

至大理卿有文選三十卷

陳桷

宋平易人政和中進士權禮部侍郎寬洪蘊藉以誠接物而淡於榮利自號無相居士有文集子汝楫汝賢汝諧孫覲俱以辭學擢第

陳俊卿

宋天資忠孝清嚴好禮在朝正色立言無所顧避凡所奏請關治亂安危之大者其立意一以先哲爲法孝宗因射傷目俊卿切諫有云誠能任智能之士以爲腹心仗武猛之將以爲爪牙

明賞罰以鼓士氣恢信義以懷歸附則英聲義氣不出樽俎之間而敵人固以逡巡畏縮於千里之遠尙何待馳射於百步之間哉時以爲名言子必以父任監進奏院慷慨盡言遷軍器監簿又言三事

謂人主之德貴乎明大臣之心貴乎公臺諫之言貴乎直後直祕閣卒所著有春秋三傳抄綴通鑑綱目唐史贊疣等稿

陳均

宋字平甫俊卿從孫安貧力學以累舉當奉奏對不就叅稽宋史及司馬氏稽古錄徐氏國紀李氏續通鑑長編諸書用朱子綱目義例提要備言輯成宋鑑舉要備要二書起太祖建隆庚

申迄寧宗嘉定甲申凡八十八卷端平初時宰言於朝下福州取其書賜迪功郎不受

陳炳

宋贛縣人結廬陸峒山躬耕求志與學者琢磨俱成雅器有文鑑十卷白雲編二十卷包拯嘗師事之志其墓曰文高表世學優入聖

陳燾

宋電白人瞽目十年紹興間母死將葬燾欲扶柩至壙人或止之燾曰母生我鞠我今日視入土燾忍以疾辭執紼二里雙目頓開人皆異之

陳敏脩

宋號市隱居士紹興中進士第三人王音云卿便是陳敏脩年幾何對曰七十三問有幾子對曰未娶乃出內人施氏嫁之年三十貨匱甚厚時人語曰新人若問郎年紀五十年前二十三

陳嶠

宋字景山年近六十方及第有儒家以女妻之合

陳舜申

宋字休謨浦江人七歲能屬文淳熙中舉進士歷衡陽府教授累遷知濟浦縣有惠政遷著作郎入對以正心任人爲先直而不訐上皆嘉納由是有忌之者遂主管武夷冲祐觀起叅議

淮關未赴卒舜申以學問淑後進以行義率鄉里以節操立朝廷以義方教子孫所著有易鑑諸孟中庸大學集解渾灝發旨審是集兵書訂解及高齋文集

陳大年

宋字彥永貢辟雍同舍生陳仲防患疫人皆避之大年曰疾病相棄豈友誼耶爲召醫診視已而仲防瘥謝曰彥永所謂生死交情者也以特奏名再調昭州推官嘗攝州事民皆宜之

陳亮

宋永康人自幼穎異才氣超邁善談兵議論風生志存經濟隆興初上中興五論不報退益力學著書淳熙中更名同詣闕上書極言時事帝將官之亮笑曰吾欲爲社稷開數百年之基寧

用以博一官乎曾觀聞欲見焉亮耻之踰垣而逃即渡江而歸其學自孟子後惟推王通嘗曰研窮義理之精微辯析古今之同異以積累爲功以涵養爲正則於諸儒誠有愧焉至於堂堂之陣正正之旗

風雨雲雷交發而並至龍蛇虎豹變現而出沒推倒一世之智勇拓開萬古之心胸自謂差有一日之長紹興四年策士問禮樂刑政之要亮以君道師道對光宗大悅御筆擬爲第一授簽書建康府判官

尋卒諡文毅

陳傅良

宋字君舉瑞安人乾道中進士爲中書舍人時光宗以疾不朝重華宮傅良抗疏懇至引帝裾言與淚俱後官至寶謨閣待制卒諡文節傅良與張拭呂祖謙爲友文擅當時學者稱止齋

先生所著有左氏章旨及兩漢博議等書

陳。埴

宋永嘉人從學朱文公所著有萬貫辯木鐘集等書學者稱潤室先生埴與兄埴弟止善俱登進士第時人號所居為森桂坊

陳季雅

宋著有漢唐論斷行于世

陳孔碩

宋侯官人師事朱熹為高弟累官尚書郎卒祠于學

陳天麟

宋宣城人天資豪爽慷慨重義紹興中進士累官至集賢殿脩撰營編易三傳及西漢南北史左氏綴節等書

陳淳

宋字安卿龍溪人朱熹守漳時淳從游郡齋熹曰南來吾道得一安卿淳無書不讀無物不格義理貫通洞見條緒學者稱為北溪先生

陳天隱

宋字君舉蘭谿人端重好學父兄蚤喪事母以篤孝稱母將葬時六月六日畏日如焚先期焚香禱乞雲霧覆棺人皆晒之已而果應既窆雲散人皆異之

陳埴

宋字和仲鄞縣人嘉定中進士敏於為文頃刻數千言為人明白洞達一言之出終身可復仕終國子司業子蒙年十八上萬言書論國事仕為淮東總領官

陳嘉言

宋景陵人為復州學諭以文行為鄉里所推開禧初金人犯景陵被執脅使降嘉言厲聲罵賊自沉於水同室六人俱死

陳天福

宋茶陵人歲凶發廩平糶貧不能繼者天福輒周之有道士丐米福與之一斗道士酬以百錢福弗受道士出題其壁有桂子蘭孫聯步武之句後子桂孫蘭孫果登第亦慕義樂施有父風

遭宋季易姓弗復為祿仕營東山書院為終身計博學好古著述尤富輯文選補遺四十卷行于世

陳壽孫

宋瑞安人寶祐間登第授台州教授會新郡守初視篆乃丞相丁大全之黨至謁廟日壽孫乃揚言曰昔冉求為季氏聚斂聖人尚欲鳴鼓而攻之太守乃丁大全黨聚斂之徒烏可升吾夫

子之堂哉守聞之遂解印去後直龍圖閣歷福建提刑貪吏聞畏懼引去後入覲與賈似道爭鹽法事被劾歸里元兵至率市人操兵聚瑞安白巖橋禦之取民居廨戶牀桌累以為柵兵至民散潰遂被執

元將欲降之嘆曰厲聲曰我大宋忠臣乃從爾胡耶何不速殺我遂囚于獄邑吏或戲之曰提刑亦下獄耶壽孫叱之曰吾志尚能斬賊配吏顧力屈耳元將壯之命縊死於獄

陳 浩

宋字可大都昌人潛心理學註禮記

陳元大

宋字孔碩號北山世稱北山先生元大遠接洙泗之傳尚友於濂洛關閩中君子任溫州儒學教授著四書講義行于世宋末來遊吳之常熟愛其風俗山水之美遂居焉子後山亦以道學

鳴仲子昇慷慨有大節當時景仰山斗孫伯琬伯珪皆為邑之名士

陳 容

宋三山人人呼為陳所翁寶祐元年由太學生知平陽縣簡易從容邑人化之時與名士論文議藝數釋大義士習以興至於崇社稷闢道路通溝洫議賑糴民事舉備暇時則游戲翰墨以

名 蓋龍

陳堯舉

宋南豐人淳祐中進士官至通判臨江軍營承江西運司檄考試廬陵士子拔擢文天祥咸謂其知人居官甘澹泊毫無妄取學者稱為鳳岡先生

陳 瓚

宋字琴玉少有志節德祐中布衣詣闕上攻守之策不報景炎丙子竭家財航海助張世傑贈軍世傑奇其才欲奏以官不受元人既執文龍以去就命林華為守瓚陰部署賓客募義民誅

華復其城端宗除瓚知軍事且令乘勝與世傑犄角復福泉二州會倭都兵至瓚力不支被執欲使降瓚曰汝知守城不降曰文龍者吾姪也吾家世忠義豈向胡狗求活耶倭都大怒車裂以殉張世傑上

其事贈兵部侍郎諡忠武子若水張世傑辟為督府架閣

陳 炤

宋常州人元兵至常州知府姚訐炤為通判與訐協力固守城破訐死炤猶巷戰家人曰東北城可走炤曰去此一步非死所矣日中兵大至遂死焉事聞追贈直寶章閣官其子

陳敬叟

宋字炳然臨武人博學能詩文咸淳中進士授迪功郎主簿來陽學錄德祐時北附遂隱居不仕益肆力於詩文有巽溪集若干卷行于世子章伯字奎龍少習舉業後改讀書歷日亂